

Prosjektmandat

Hovudprosjekt med politisk styring

**Næringsutvikling i Alver kommune –
kartlegging av behov og aktører**

1. Innleiing

Dette mandatet gjeld for hovudprosjekt med politisk styring. Prosjektet næringsutvikling i Alver kommune skal gjennomføre ei kartlegging av næringslivet sine behov og av aktørane som driv med utviklingsretta aktivitetar mot næringsliv og bedrifter.

Mandatet skal til godkjenning i fellesnemnda og er utarbeida med bakgrunn i føringane i intensjonsavtalen og styringsdokumentet.

2. Bakgrunn og forankring

2.1. Intensjonsavtale

2. Visjon:

- Alver kommune skal vera ein heilskapleg samfunnsutviklar og byggja fellesskap i ein region med sterk vekst og utvikling.
- Me byggjer ein ny kommune for å møte framtida sine utfordringar i tenestetilbodet til innbyggjarar og næringsliv.

3. Visjon, mål og prinsipp

- Me skal byggja ein ny kommune.
- Me skal ta med oss beste praksis frå kommunane inn i den nye kommunen.
- Me skal byggja vidare på felles identitet og kultur.
- Me skal involvere innbyggjarar, tilsette og næringsliv.
- Me skal digitalisera dialogen med innbyggjarane.
- Me skal leggja stor vekt på næringsutvikling og arbeidsplassutvikling.

7. Prinsipp for tenestetilbod og kompetanse

Samfunns- og næringsutvikling:

- Den nye kommunen skal vera ein samla nærings, arbeids- og utdanningskommune.
- Det er viktig at dei unge har eit godt, lokalt tilbod innan vidaregåande opplæring.
- Den nye kommunen vil arbeida aktivt for at det skal opprettast eit universitets-/høgskuletilbod i kommunen, gjerne knytt til lokalt næringsliv.
- Alver kommune skal motivera og støtta næringsliv og innbyggjarar til utvikling av den nye kommunen.
- Me vil satsa målretta på infrastruktur og heilskapleg arealpolitikk.
- Gjennom strategisk samfunns- og næringsutvikling vil me styrkja eksisterande, skapa og leggja til rette for nye arbeidsplasser.
- Den nye kommunen skal vera nyskapande og utvikla nye næringsareal med fokus på framtidsretta næringsliv.
- Den nye kommunen skal jobba for effektiv internkommunikasjon og for å realisera lokale samferdsleprosjekt.
- Me vil vera ein pådrivar for å halda fram utbygginga av mobilnettet og breibandstilbodet i alle delar av kommunen.
- Kommunen skal lage ein ny klima- og miljøplan med særskilt fokus på alternative energiformer, miljøeffektive løysingar og å førebyggja klimaendringar gjennom lokal handling.
- Den nye kommunen skal utarbeida ein landbruks- og akvakulturplan.

3.1. Styringsdokument

Dette prosjektet er eit viktig kunnskapsgrunnlag for å nå hovudmålsettinga med programmet:

- Alver kommune i drift 01.01.2020 med alle element for ein kommunal organisasjon på plass, bygd på intensjonsavtalen.

I dette prosjektet er det viktig å følgje dei overordna prinsipp som ligg i punkt 3.2. Programmet skal sikre brukarmedverknad i prosjekt som direkte gjeld innbyggjarane.

3.2. Vedtak i fellesnemnda

Fellesnemnda skal vedta prosjektmandat og ta prinsipielle avgjerder slik det kjem fram av prosjektplanen.

4. Hovudmål, resultatmål og effektmål

4.1. Hovudmål

Utarbeide kunnskapsgrunnlag for korleis Alver kommune skal jobbe med heilskapleg næringsutvikling

4.2. Resultatmål (Kva skal prosjektet levere)

- Kartlegge næringslivet sine behov – Kva er næringslivet sine reelle behov i samspelet med det offentlige?
- Kartlegge aktørar og interessentar i regionen som jobbar med utviklingsretta aktivitetar mot næringslivet – Kven gjer kva i dag? Og kva oppgåver er det naturleg at Alver kommune prioriterer i framtida?
- Utarbeide ei analyse som skal vere grunnlag for arbeidet med kommuneplanen i Alver og organisering av næringsarbeidet.

4.3. Effektmål

- Sikre at Alver kommune har eit godt kunnskapsgrunnlag for å prioritere riktige mål og strategiar for næringsutvikling i kommunen
- Sikre at Alver kommune har rett kompetanse og organisering for å løyse dei behov som næringslivet har.

4.4. Avgrensingar

- Dette skal prosjektet skal levere ei analyse (ein rapport) som blir grunnlag for vidare arbeid med næringsutvikling i Alver kommune.
- Konkretisering av mål og strategiar blir tatt gjennom ein kommuneplanprosess i Alver kommune
- Organisering av næringsarbeid og ressursar blir gjennomført gjennom programmet med kommunesamanslåing

5. Organisering

5.1. Oppdragsgjevar

Fellesnemnda

5.2. Administrativ styringsgruppe

Programleiing Alver kommune:

Programansvarlig Alver kommune, Ørjan Raknes Forthun

Ass. programansvarlige, Martin W. Kulild og Jarle Landås

5.3. Prosjektansvarlig

Programansvarlig Alver kommune, Ørjan Raknes Forthun

5.4. Prosjektgruppe

Prosjektleder Hagne Haugsdal, leder for samfunnsutvikling i Alver kommune

Medlemmer Tenesteleiar for næring og utvikling i Alver kommune

Baste Tveito, dagleg leiar Nordhordland Næringslag

Børge Brundtland, dagleg leiar Industriutvikling Vest (IUV)

HTV-Tillitsvalgt:

5.5. Referansegrupper

Nordhordland Næringslag, Industriutvikling Vest (IUV), Nordhordland utviklingsselskap (NUI), Hordaland Fylkeskommune (regionalavd), Invest in Bergen, Etablerersenteret, Nordhordland næringshage, Bergen Reiselivslag, Knarvik vidaregåande skule. Prosjektet må vurdere om det er andre aktuelle referansegrupper eller personar som bør vere med.

5.6. Administrativ støtte til prosjektet

Det er mulig prosjektet treng støtte frå programkontoret, men det blir avklart i prosessen.

6. Framdrift

- Vedtak prosjektmandat: fellesnemnda 4. juni
- Første møte i prosjektgruppe: august 2018
- Kartlegging og analyse: september – desember 2018
- Presentasjon av resultat: januar – mars 2019
- Handsaming av rapport i fellesnemnda: april 2019

Detaljert framdriftsplan vil bli presentert i prosjektplanen.

7. Budsjett

Det blir sett av ei ramme på kr 300.000 til ekstern konsulent som skal gjennomføre kartlegging og analyse.

8. Risiko

Vert drøfta og utarbeida i prosjektgruppa og lagt inn prosjektplan.